

Mazgu Gha Chiuta Ghakiza Kwa Ntchimi William Marrion Branham

“Yesu Khristu Ndiyo Chiuta”

Sono uwu ndiwo uvumbuzi: Yesu Khristu ndiyo Chiuta. Yehova wa Chipangano Chikolowere ndiyo Yesu wa Chipya. Nanga ungayezga uli, ungasimikizga chara kuti kuli wa Chiuta WATATU. Kweni chikutolelaso uvumbuzi wa Mzimu Mutuwa kukupangiska iwe kumanya unenesko kuti Iyo Njumoza. Chikutolera uvumbuzi kuti uwone kuti Yehova wa Chipangano Chikolowere ndiyo Yesu wa Chipya. Satana wakakhwawila mu mpingo nakubulumutizga wanthu kuwunenesko uwu. Ndipo pala wakati wabulumutizgika ku cheneichi, pakapita nyengo yitali chara apo Mpingo wa Roma ukaleka kubatizga mu Zina la Fumu Yesu Khristu.

Nkhuzomera kuti chikutolera uvumbuzi wenecho kufuma ku Mzimu Mutuwa kuwona unenesko wa Uchiuta mazuwa ghano tili mukati mu thimbanizgo yikulu ya Malemba. Kweni mpingo wakutonda na kutheleska, uli kuzengeka pa chivumbuzi ntheura tingalindizga Chiuta kuti wativumbulire unenesko Wake ise. Kweni, kuti ukukhumba uvumbuzi chara paubatizo wa maji. Uli penepapo ukudodoliska mmaso. Kasi chikate chiwenge chamachitiko mukanyengo kachoko waka kuti wa Positole wapuluskike ku kutuma kwakulunjika kwa Fumu za ubatizo mu Zina la Dada nala Mwana nala Mzimu Mutuwa ndipo wasangiike mukuwula kupulika kwakuchitila dala? Wakalimanya

Zina, ndipo palije malo nanga ngamoza Mumalemba apo wakabatizga munthowa yinyake padela pa mu Zina la Fumu Yesu Khristu. Kughanaghanila kungamanya kumuphalirani kuti Buku la Milimo ni mupingo mu uteweti, ndipo usange ndimo wakabatizilanga, ipo yene iyo ndiyo nthowa yakubapatizila. Ntheura usange mukughanaghana kuti icho ntchinono, ipo mukughanaghana uli pa ichi? Waliyose uyo wakabatizika mu Zina la Fumu Yesu chara wakenera kubatizikaso.

Milimo 19:1-6, “Ndipo Apolo wakawa wachali, mu Korinte, Paulos wakati wasorota muvigawa vyanena wakiza ku Efeso: ndipo wakasanga wasambiri wanji, Wakanena nawo, Kasi mukapokera Mzimu Mutuwa kwamba apo mukagomezga? Ndipo iwo wakati kwa iyo, Tilive nakupulika kuti Mzimu Mutuwa waliko. Ndipo wakati kwa iwo, Sono imwe mukabatizikira muchivichi? Ndipo iwo wakati, Muwubatizo wa Yohane. Paulos wakati, Yohane ngunenesko wakabatiza na ubatizo wa kung’anamuka mtima, nakuwaphalira wanthu, kuti wagomezge uyo wati wizinge pa nyuma zake, uyo ndi, Khristu Yesu. Ndipo pala wakapulika ichi, wakabatizikira mu Zina la Fumu Yesu. Ndipo Paulos wakati wawika mawoko ghake pa iwo, Mzimu Mutuwa wakiza pa iwo; ndipo wakayowoyanga na malulimi nakuchima.” Mwawona. Wanthu waweme awa waku Efeso wakapulika za kwiza kwa Mesaya wakizanga. Yohane wakaphalazga za Iyo. Iwo wakabatizika kung’anamuka ku za kwananga, KULINDIZGA kugomezga mwa Yesu. Kweni sono yikawa nyengo yakulawiska KUNYUMA kwa Yesu na kubabatizikila MUKUGOWOKEREKA kwazakwananga. Yikawa nyengo yakupokera Mzimu

Mutuwa. Ndipo wakati wabatizika mu Zina la Fumu Yesu Khristu, Paulos wakawika mawoko pa iwo ndipo Mzimu Mutuwa ukiza pa iwo.

O, wakutemweka wanyithu waku Efeso wakawa wanthu waweme; ndipo usange waliyose wakawa na ufulu wakuvikililika, wakachita. Wonani apo wakafika. Wakenda kufika pakuzomera kwiza kwa Mesaya. Wakamunozgekerera Iyo. Kweni mukuwona yayi kuti nangauli vikawa ntheura wakamuwinda? Iyo wakiza ndipo wakaluta. Waka khumbikanga kuti wabatizike mu Zina la Fumu Yesu Khristu. Wakakhumbikanga kuti wazuzgike na Mzimu Mutuwa.

Usange muli kubatizika mu Zina la Fumu Yesu Khristu, Chiuta wa muzuzgeninge na Mzimu Wake. Agho ni Mazgu. Milimo 19:6 apo tanguwelenga kukawa kukwaniliskika kwa Milimo 2:38, “Mulape, ndipo mubapatizike *waliyose* wa imwe mu Zina la Yesu Khristu kuti zakwananga zinu zigowokereke, ndipo mupokelenge chawanangwa cha Mzimu Mutuwa.” Wonani, Paulos, mwa Mzimu Mutuwa, wakayowoya chakuyanana na icho Petros wakayowoya mwa Mzimu Mutuwa. Ndipo icho chikayowoyeka chingasinthika CHARA. Chikwenera kuwa chakuyana waka kufuma pa Pentekoste mpaka wakusoleka waumaliro, wabatizike. Galatiya 1:8 “Nanga ndise, panji mungelo wakufuma kuchanya, wamuphalazgilani ivangeli linyake lakupambana ilo tamuphalazgilani imwe, wawe wakutembeka.”

Sono wanji wa imwe wanthu wa Umoza mukubapatiza uheni. Mukubatizila chibabikaso nga nipala kubizgika mmaji kukuponoskani imwe. Kubabikaso kukwiza na maji chara; ni ntchito ya Mzimu. Munthu mwene uyo mwa Mzimu Mutuwa wakapereka kutuma, “Ng’anamukani ndipo mubatizike

waliyose wa imwe mu Zina la Fumu Yesu,” wakayowoya chara kuti maji ghakupereka moyo upya. Wakayowoya kuti ntchisimikizgo cha “njuyi ziweme kwa Chiuta.” Vyeneive pera bwenu. 1 Petros 3:21, “Gheneagho sono napo nga ntchilinganizgo ndigho ghakumuponoskani inya ubapatizo, (kutaya marikho gha thupi chara, kweni kuweya kwa njuyi yiweme kwa Chiuta,) mu kuwuka kwa Yesu Khristu.” Nkhuchigomezga ichi.

Usange waliyose wali na fundo zautesi kuti mbiri ya kale yingasimikizgira ubapatizo wa maji munthowa yinyake padera pa mu Zina la Fumu Yesu Khristu, nkhumulongozgani kuti muwelenge mbiriyakale ndipo mujisangile mwekha. Ichi ni chipanikizgo cha unenesko wa ubatizo icho chikachitika ku Roma A.D. 100 ndipo vikalembekaso mu magazini ya TIME, Disembala 5, 1955. “Mteweti wakauska woko lake, Publius Decius wakanjira pa muryango wa malo ghakubatzila. M’chiziwa kufikira muluwunda mukimilira Marcus Vasca wakugulisa nkhuhi. Iyo wakamwemweteranga apo Publius wakendanga muchiziwa kufupi na iyo. ‘Credis?’ wakafumba. ‘Credo,’ wakazgora Publius. ‘Nkhupulikana kuti chiponosko chane chikufumira kwa Yesu Khristu, Uyo wakapayikika pasi pa Pontiyo Pilato. Na Iyo nkhafwa mwakuti na Iyo niwe na Umoyo Wandanda.’ Peneapo wakapulika mawoko gha nkhangono ghakumuvwira apo wakajileghelezgeranga chiwanyuma mu chiziwa, ndipo wakapulika mazgu ya Marcus mkhutu lake — ‘Nkhukubatziza iwe Mzina la Fumu Yesu’ — apo maji ghakuzizira ghakabenekerera iyo.”

Kufikira nyengo apo unenesko ukasowa (ndipo ukizaso chara kufikira mmugonezi waumaliro uwu — ndiko kuti kufumira pa Nicaea kufikira muvilimika ivi)

wakabapatizanga Mzina la Fumu Yesu Khristu. Kweni chizaso. Satana wangajandizga uvumbuzi yayi pala Mzimu wukhumba kuwupereka.

Inya, kuwenge wa Chiuta watatu, mphanyi mwabapatizanga la Adada, nala Mwana, nala Mzimu Mutuwa. Kweni UVUMBUZI UWO UKAPIKA KWA YOHANE ukawa wakuti CHIUTA NJUMOZA ndipo Zina Lake ndilo FUMU YESU KHRISTU, ndipo mukubapatizila mwa Chiuta YUMOZA ndipo yekha pera. Ndicho chifukwa Petros wakabatiza munthowa iyo wakachita pa Pentekoste. Wakenera kuwa wamagomezeko ku uvumbuzi uwo ukawako, “Ntheura nyumba yose ya Israeli yimanyiske mwakusimikizga, kuti Chiuta wamupanga YESU UYU, mweneuyu mukamupayika, VYOSE FUMU NA KHRISTU.” Uyo ali apo, “FUMU YESU KHRISTU.”

Usange Yesu wali “VYOSE” Fumu na Khristu, ipo Iyo (Yesu) ndiyo, wangawaso munyake chara kweni ni “Dada, Mwana, na Mzimu Mutuwa” mu munthu YUMOZA wakuwonekera muthupi. Kuti ni “Chiuta mu wanthu watatu CHARA, utatu wakitumbikika,” Kweni CHIUTA YUMOZA, MUNTHU YUMOZA na mazina ghatatu ghamaudindo na mawuteweti ghatatu ghakuwoneskera maudindo ghala. Pulikani ichi kamosaso. Yesu mweneuyu ndiyo “YEKHA Fumu na Khristu.” Fumu (Dada) ndipo Khristu (Mzimu Mutuwa) iwo ndi Yesu, pakuti Iyo (Yesu) ni wawiri WOSE (Fumu na Khristu).

Usange icho chikutilongora chara uvumbuzi waunenesko ni wakawiro ka Uchiuta, palijeso icho chingachita. Fumu njinyake CHARA; Khristu nimunyake CHARA. Uyu Yesu ni Fumu Yesu Khristu — CHIUTA YUMOZA.

Filipu zuwa linyake wakati kwa Yesu, “Fumu, tilongolani Wawiskemwe ndipo tikholwenge.” Yesu wakanena naye, “Ndakhala nawe nyengo yose yeneiyi ndipo kasi ulive kundimanya Ine? Uyo waona Ine, wawona na Wadada wuwo, ukuyowoyerachi, Mutilongore Wawiskemwe? Ine naWadada tili Yumoza.” Nkhayowoyapo ichi nyengo yimoza ndipo mwanakazi wakati, “Pachoko, Wadada Branham, iwe na muwoli wako muli yumoza.” Nkhati, “Mukawiro ako yayi.”

Wakati, “Welezganiso?”

Ntheura nkhati kwa iyo, “Ukuniwona ine?”

Wakati, “Inya.”

Nkhati, “Ukumuwona muwoli wane?”

Wakati, “Yayi.”

Nkhati, “Ipo umoza uwu ngwamutundu unyake, pakuti wakati, Pala wawona Ine, wawona na wa Dada.”

Ntchimi yikati kuzamkuwa kuwala kunyengo yamise. Musumu vili kulembeka:

Kutiwenge kuwala nyengo ya mise,
Nthowa yakuwuchindami nadi
mutiyisange,
M’nthowa ya maji, ndiko Kuwala
lero,
Kusungika Muzina liweme la Yesu.
Wachoko na walala, nganamukani
ku kwananga kose,
Mzimu Mutuwa nadi tiunjirengemo.
Kuwala kwa kumise kwafika,
Mbunenesko kuti Chiuta na Khristu
njumoza.

Nisonosono apa nkhadumbanga na Musambizgi wa Chiyuda. Wakati kwa ine, “Imwe wamitundu Chiuta mungamudumula muvipitika vitatu yayi na kumupereka ku Muyuda. Tikumanya makora kujumpha apo.”

Nkhati kwa iyo, “Nimwenemumo Musambizgi, tikudumura Chiuta muvipitika vitatu chara. Ukugomezga zintchimi, asi nintheura?”

Wakati, “Inya nkugomezga.”

“Ukumugomezga Yesaya 9:6?”

“Inya.”

“Ntchimi yikayowoyanga zanjani?”

“Mesaya.”

Nkhati, “Kasi wenenawene pakati pa Mesaya na Chiuta ngwakuti uli?”

Wakati, “Iyo wazamkuwa Chiuta.”

Nkhati, “Uwo mbunenesko.” Ameni.

Ungamugawa chara Chiuta kwa wanthu watatu panji muvipitika vitatu. Ungamuphalira chara Muyuda kuti kuli Dada, na Mwana, na Mzimu Mutuwa. Wakuphalirenge mwaluwiro uko fundo iyo yilikufumira. Wayuda wakumanya kuti chisambizgo ichi chikakhozgeka pa mphala ya Nicene. Ndicho chifukwa tikuzizwa chara wakutinena kuti tiliwambula kumanya Chiuta.

Tikuyowoya za Chiuta wambula kusintha. Wayuda nawo wakugomezga ichi. Kweni m’pingo ukasintha Chiuta wake wambula kusintha kufuma ku Chiuta YUMOZA ku WATATU. Kweni kuwala kukwiza namise. *Mwe nkhunozga uli kuti unenesko uwu wiza pa*

nyengo yeneiyo Wayuda wakuwelera ku Palestine.
Chiuta na Khristu NJUMOZA. Yesu uyu ndiyo: YEKHA
PERA FUMU NA KHRISTU.

Yohane wakawa na uvumbuzi, ndipo YESU wakawa Uvumbuzi, ndipo Wakajiwoneskera iyo mwenemumo Mmalemba — “INE NDINE Iye Uyo Wakawa, Uyo Ndiyo ndipo Wati Wizenge, Wankhongonozose. Ameni.”

Usange uvumbuzi ukumuwenukani imwe, lawiskani kuchanya na kupenja Chiuta chifukwa cha ichi. Ndiyo nthowa yekha iyo mungasangira ichi. Uvumbuzi ukwenera kufuma kwa Chiuta. Iwo ukwiza na wanthu yayi, kweni na nkhangono ya Uzimu. Mungamanya kusungilira Malemba, nanga uli icho ntchiweme chomene, chingamuvwirani chara. Ukwenera kuwana uvumbuzi kufuma kwa Chiuta. Mu Mazgu mukuyowoyeka kuti paliye munthu uyo wangayowoya kuti Yesu ndi Khristu kwambura Mzimu Mutuwa pera. Mukwenera kupokera Mzimu Mutuwa ndipo pekha, pera, Mzimu Mutuwa ungamupani uvumbuzi kuti Yesu ndiyo Khristu: Chiuta, Wakuphakazgika Yura.

*(Kufuma Mukulongosola Kwa Miwilo Yinkonde na
yiwiri ya ma Ekleziya)*

Kung'anamulika mu Chitumbuka mu 2004.

CHITUMBUKA

©2004 VGR, ALL RIGHTS RESERVED

VOICE OF GOD RECORDINGS

P.O. BOX 950, Jeffersonville, Indiana 47131 U.S.A.

www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempeskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org